

## UN NOUM

De-fes, quand siéu soulet, de ma primo jouvènço  
Auboure lou velet que lis an i'an trena,  
E ié legisse un noum que viéu de souvenènço ,  
Car la dènt de l'óublit l'a pancaro estrena.

Aquéu noum, que me chalo e m'es uno soufrènço,  
Pèr moumen vòu sourti, mai... lou tène arena;  
Moun amo, vèuso d'éu, couneirié l'inchaiènço :  
L'espèr es un bon pan que fau pas abena...

Elo à jamai sachu coume me pivelavo.  
Noun, i'ai pas dis jamai que moun cor la belavo,  
De-longo emé la pòu de pas n'èstre coumprès.

Aro, paure de iéu ! de-que sièr que souspire ?  
Estaca tóuti dous, avèn rèn à nous dire...  
E mou secrèt d'amour, lou dirai pas à res !!!

Guillaume LAFORET